

耄

餘

詩

話

耄餘詩話卷之五

查文巖門學有淵源幼承祖敬業老人指授思敏才富名重一時所著有巖門詩鈔南燭軒詩話粟經閣讀古記乾隆丁丑志局雖同人分任然彙出我兩人者居多同宿水仙閣下擊鉢聯吟甚相得也唱和有安國寺觀范文白五百阿羅記石刻登占鰲塔望海過西庵放生池次彝間舊韻泛舟城東步至東寺返過怡庵疊韻諸詩同作者同年王穀原又曾表兄楊竹巖煥倫詩不具錄壬午塲後先生病卒子椒堂奕棗亦能詩孫一飛字采南一麒字康之並有文行肄業安瀾書院嘉慶癸亥中丞第一次甄別采南

冠其曹丁邗應京兆試中式南元自敬業次君雙峰先生  
克念雍正甲辰登鄉薦後科名接武已八十四年矣

金柱峯明府 鰲愛民重士有古循吏風許慕迂太史 煇手

書公廉明允四大字以贈一時多為題詩丁丑修志開館

水仙閣時吳樵石 嗣廣許霍齋道基王穀原又曾尚未來

惟余與巖門宿館中巖門住東廂余住西廂各携一僮談  
至更深就寢旬日後聞閣下有聲初意以為鼠也次夜聲  
甚震巖門早起大言責之曰我在楚劾治鬼祟有驗倘今  
夜復然弗怪我牒城隍也不料是夜愈甚聞空中撒泥聲  
漸近撒至紙窓不覺毛骨寒慄每夜巖門聞響輒開窓逆

呼是夜亦不復起矣次日金明府來余與巖門降階待之  
明府疾趨入神色大異不暇寒溫匆匆數語而去衆咸怪  
之明府返署召書吏問之曰我適到志館恍見一人朝衣  
朝冠從閣下出以致失禮於二公汝為我道歉但未知果  
何祥也吏沉思良久對曰十五六年前草塘廳宋公中暑  
歿於閣東偏身瘦而長面黃微鬚年可五十許明府曰此其  
是矣吏出即行走告巖門買香燭拉余同拜許佳傳然苦  
無事實余歸家問諸先君子始知其畧因共擬傳曰宋雲  
會字沛蒼山東膠州人雍正丁未進士有文名性復高潔  
官雲和常山知縣舉卓異遷草塘通判嘗分校鄉闈所鑿

拔皆知名士相國溧陽史公浙閩制府德公薦舉御史未  
就卒即晚焚草城鎮董事諸君復醱分祭莫是夜遂寂然  
矣聞者莫不畏宋公之靈且嘆身後名之足重如此後見  
盧雅雨見曾山左詩鈔選有宋公詩知其號澹秋一號夢  
溪爾時不知宋公能詩殊闕事也

甲戌同年王穀原又曾詩以金風亭長為宗刻有丁辛老  
屋集錢擇石載選定重刻丁丑同事志局唱和甚多偶檢

篋中得君登占鰲塔望海歌云去年八月至海上賈勇曾  
一浮圖登今年涼秋迫重九矯首益覺秋峻增天清氣爽  
腰脚健塔心竄窅旋螺升鴻濛一氣落吾掌天半不怕危

竄音吊切音呼  
窅音吊切音調  
張衡西京賦望  
遠觀  
11以在廷注深

欄。凭。蒼。茫。莫。辨。大。海。水。斥。鹵。綿。亘。百。里。十。里。同。田。塍。或。堆  
者。埵。窪。者。井。牛。牽。夫。擔。細。若。糞。溷。蠅。窳。丁。燒。鹽。食。鹽。利。耳  
久。不。聞。潮。汐。心。戰。兢。當。時。龕。藉。夾。立。雲。間。涌。一。綫。怒。勢。險  
欲。塘。身。乘。萬。馬。奔。突。誰。可。敵。強。弩。詎。有。錢。王。能。此。邦。岌。岌  
任。衝。蝕。築。塘。連。歲。罄。鼓。勝。魚。鱉。倖。免。禾。稼。損。怨。咨。那。息。農  
民。騰。日。費。斗。金。亦。何。益。人。事。要。待。天。心。承。  
帝。咨。良。相。汝。子。治。馮。夷。不。復。相。侵。陵。役。使。萬。鬼。羣。北。岸。沙  
漲。何。啻。恒。河。增。東。海。揚。塵。今。幾。度。高。岸。為。谷。深。谷。陵。茲。理  
固。由。至。化。洽。吁。怪。詎。曰。尋。常。徵。晴。秋。登。臨。豁。遠。眺。靈。霧。淨  
掃。蛟。蜃。蒸。但。見。遠。峯。百。朵。儼。眉。列。斜。陽。隱。現。青。鬚。鬢。成。連

一去子春香。水仙殫罷呼難應。東坡好奇。鬻縹緲。有無海  
市將焉憑。江山清宴自可樂。目極島嶼。盤派鷹。夜來乘興  
或再出。同看塔頂光明燈。詩字雙美。因偶錄之。此詩與查  
巖門歧昌許漢階飛鵬楊竹巖煥論陳中行臨及余分韻  
余得望字。君素有咯血症。晚而愈劇。遂成羸瘵。年五十六  
患痰癰而卒。君有才子曰復。字敦初。號秋塍。出畢秋帆制  
府之門。為吳會英才集九人之一。後官中州縣令。旋亦下  
世。憶君嘗謂余曰。長子不善讀書。幼子庚午年生。聰慧可  
望。秋塍少孤。能自樹立。許享年不過四十也。  
穀原為吳叟樵石妹婿。招至志句。叟嘗預修西湖志。浙江

通志時已老矣。飲酒論文不舉筆也。余贈詩二首錄其一云。均體流傳早。軼塵詩久老。去任天真高。懷欲比林君。復儒業。選師雷仲倫。篋裏杯鐺長作伴。山中松木自相親。酷羸乞與還丹訣。願結行窩未了因。叟未幾病卒。有抱秋亭詩集十二卷。歸愚先生巖門文為之序。

穀原與籀石情好最篤。嘗結日課一詩會。吳叟樵石陳師

秋坪及萬循初。光泰汪厚石孟銷桐石仲鈐預焉。因吳叟

別號故竝聯石字。蓋取石交之義也。甲戌。

廷對穀原以策誤。五段置三甲。時籀石已壬申二甲第一。入翰林矣。於大眾中以同進士如夫人作對相嘲。聞者莫



不軒渠穀原大有不平之色。然擇石胸無城府。意所欲言。  
輒信口而出。不顧其忤人也。余識擇石於裘文達公處。後  
刻詩集成。年家子戚馥林芸生以一部見寄。余題詩即做  
其體云。憶我見擇石。上章敦祥冬。爾時年長倍。擇石年四  
十三。余年  
二十二。偶於師門逢。我師為我言。詩能令人窮。汝浙老名士。鴻  
博會同徵。叶數奇輒被刑。久滯副車中。今秋考教習。收  
錄到渠儂。退各詢所寓。互持一刺通。人海浮萍合。相知良  
不深。叶次年誇竒遇。王五穀原來鄉邦。叶我師復惋惜。何不  
獻賦從是科。我下第。驢券書匆匆。君灘我卧病。停赴公車。  
俯遙聞羨晚。達花看長安。紅忽於半年內。抒盡平生胸。迨

我臚唱日王五進士同雅謔殊為虐大笑滿堂口其後或

譚及尚露不平容一別卅年餘置身青雲崇夢想頗不到

時來卿與公釋石貧時交患數畧能終樵石吳茂才最老

壽伯道悲蒼穹巖坡萬孝廉最博雅客死嗟飄蓬穀原王

曾部又稍發世厚石汪選部本素封厚石弟桐石汪孝廉瑣

篋奏雍雍王汪雖有後名位未光融所以吟社裏獨推彭

城雄詩人享厚福未邵稱無雙叶文夫生世上遭際命所

鍾流傳賴佳句春勿晒雕蟲穀原師醜舫厚石學落翁兩

人竝石友亦復我良朋叶釋石克蕙之才大少爭鋒歸由

自編集剞劂方畢工厥生二字用寄貽我開卷墨痕濃病

眼觀大意雲霧豁朦朧申謝走不律太息撫孤桐

杭州諸生莫弼字右張號柳亭嗜酒鼻齷性極瀟灑學有  
根柢與陳星齋同學齊名而終老不遇余與先兄應試至  
杭柳亭輒來劇談熟於武林舊事媿媿可聽夏月必邀喫  
仇園菟仇園菟者吳山之麓有地畝許相傳為山村故居  
所產菟味甘而腴美於他處非早起不能得也三人有仇  
園菟聯句詩乾隆己卯庚辰間塲屋用詩其門人馬彭字  
軼錢初學未能諧律柳亭令從先兄為詩弟子口講指畫  
所業遂工柳亭姪維字維山博覽工詩文丁酉舉於鄉人  
極迂僻殆可入淵源錄中云

仁和蔣素愬字亶夫號若谷先兄乙酉同年也少孤事母  
張純孝若谷工制藝通群經而尤精于左國詩不多作刻  
意樂府音節古峭有吳山草一卷

佛爾雅八卷凡十六釋釋名一釋詁上下二釋親三釋宮  
四釋器五釋藥六釋天七釋地八釋山九釋水十釋草十  
一釋木十二釋蟲十三釋魚十四釋鳥十五釋獸十六自  
序畧云乾隆辛亥夏五月宗姪耕厓孝廉廣業自皖城歸  
過余齋為余言朱石君中丞方撰佛孝經余思有佛孝經  
不可無佛爾雅遂銳意創稿凡三月而成書略加注釋如  
郭景純若疏通證明之尚俟乎將來君子也中秋後三日

書時初意欲付剞劂門人張廷琮任手鈔寫樣雖成竟不  
果梓至今尚藏敝篋也廷琮字蘭九號絳巖又號前山族  
叔駿字信裳號荔園並從學於余二人齊名有聲蠻序遠  
近莫不稱東郭二詩人也荔園詩學中晚長於詠物尤工  
駢體小賦極精余嘗為之序前山詩以精華錄為宗余題  
其詩卷有一瓣香歸何處好漁洋蠶尾兩峯青之句荔園  
乾隆庚子成進士今官處郡教授前山年未六旬以歲貢  
需次卒不勝存歿之感

嘉慶甲子八月馮鷺庭集梧以所著杜樊川詩集箋注所  
刻元豐九域志惠定宇後漢書補注及其尊甫孟亭侍御

墓誌銘寄贈嘉平月廿六日歲暮風雪中遣急足以嘉禾  
瑞應圖立索題詩因呵凍走筆作嘉禾篇仿竹垞先生體  
云嘉慶九年紀甲子西南龕靖索弓矢柏冬河公仍效靈  
駢祥疊貺頻送喜先是六月暑雨咨浙右邨田浮雲水節  
使拜章

睿澤覃和氣感召一何駛五風十雨轉休徵憶昨空憂禾  
生耳我聞天瑞地瑞魚動植甘露如膏醴泉溢黃龍鱗鳳  
木連理不若嘉禾推第一神農之世雀銜來陶唐三代紛  
紛出逸書旅命事最著拔貢歸來猶能述迺知此禾本仁  
草吾

皇深仁古聖正崇墉比栢詒益寧異畝同穎稽文質繪圖  
欲追孫熊手作志寧數蕭沈筆君不見嘉禾舊郡產嘉禾  
地天協應舒恩波

聖主賢臣千載遇含淳講德宣中和順成登行諸福至老  
叟擊瓊行人歌益壽增筭齊慶

天子萬惟願金總玉粒年年多乙丑新正貽書申謝禮意  
甚殷未幾驚庭以積勞成疾卒聞其遺孤尚幼他日能讀  
父書否也

楊十一舅氏諱詠字抒懷乾隆戊午副貢歷知銅山沛縣  
所至有政績撫旅姪兩松中丞嗣曾教育成立平生詩不

多作而恪守唐音有補梧軒詩鈔余為序因錄得數首寄

徐心言

薛蘭余受業師

云暇日鎮相過狂遊不我訂書依蒲寺竹

酒泛段橋荷老去心情減年來離別多柴扉知畫掩得句

近如何書嗜思

薛澄公族姪余受業表兄

信後云幽恨憑誰訴沉吟日

又哺拋家嗟我忍從井感君多駑馬惟思棧飢烏自哺雛

春風過草木只有隰楊枯中秋日舟中云吳公臺下水不

盡向東流董子祠前月無邊接素秋水流長不逝人去月

仍留漫以人如水還看月似鉤旅館寫懷五首之二云搖

落常懷宋玉悲況今兩度值天涯苔階風過飄殘葉廢苑

人來拾斷葵涼雨一天心上淚清霜幾點鬢邊絲步兵本



是侶狂客斜日窮途只自知涼風乍動覺刁調。幾帙殘編  
共寂寥。飲量盡從愁裏減。鄉心都向酒邊消。秋成田舍炊  
新黍。冬近山家補舊窰。吳樹秦雲成絕域。碧天霜冷夜迢  
迢。破川感舊云。紫微山下紫微橋。記得橋南舊酒標。風景  
不殊前度日。劉郎無奈髮蕭蕭。少年遊釣經行地。今日相  
看盡劫灰。只有一編綠未了。白頭重訪讀書臺。公移家禾  
中年登天塹。閉戶課孫壽八十有八而卒。長孫陽龍字在  
人號健齋。幼從學於余。詩才超俊。制藝幽峭。莫不卓然可  
傳。兩中副車嘉慶己巳舉京兆試。改名思敬。次惺字俊安  
號小田次文。蔣字秀實。號芸墅。竝諸生工詩文。

已疑是  
邨

梅里門人楊端字旋吉號文璞詩人子讓謙令嗣也子讓  
博學工詩箋注曝書亭詩集行世文璞幼慧承家學詩才  
雅麗古文宗曾南豐以左手作書尤工二十年前余嘗贈  
七古長篇以朱李替人期之近移家桐鄉留心楊園先生  
之學造詣益邃著述益多嘉慶丁卯冬日同俗客過舍匆  
匆別去別後賦五古長篇預祝八旬書篋寄贈又寄七律  
一首云執經曾許易同參。撰杖今慙禮未諳。栗里名高推  
海內。靈光望重峙江南。門前美草呼書帶。砌下奇花號鉢  
曇。好約從遊諸弟子。書觴齊進菊泉甘。此意良可感也  
七友張光浚字守初號集堂少穎悟工制藝長遊關中客

畢秋帆先生幕與張少儀鳳源嚴道甫長明唱和詩學遂  
進既而遊大梁主講席過歷嵩少諸名勝詩格清老顧不  
自收拾藁竝無存亡姪彥國字竹孫君之愛壻乾隆壬子  
夏歿於京邸君以詩哭之曰親朋塞巷憑棺哭淚灑西風  
不忍乾千里信音成永訣余自淮安接家信知京邸病耗百年懷抱幾時  
寬書能益智留兒讀田可充饑供母餐七字哀吟賤半幅  
魂歸送夜料猶看射策京華賦短檠巾箱遺稿亂縱橫修  
文遽奪生前算及第遲邀身後名猶有鬼神言敢蕙余任撫  
之未伸眉宇氣難平夜臺他日終相見重話當年兒女情  
君久困場屋是年年六十二舉於鄉計偕北上癸丑下第

南歸卒於板浦書院君晚好儀禮手校開成石經采陳祥  
道李如圭張淳楊復魏了翁教繼公諸家之說著儀禮正  
論一書惜未脫稿

亡友陳萊孝字惟禎號誰園長余一歲弱冠訂交君少從

巖門學以初白為宗性不好舉業將入立境棄不復應試

專力於詩平生存稿十餘冊殆不下五千首也乾隆己卯

君始出道余有長歌題其彭城游草歷叙邑中詩學源流

凡千二百言而結之曰古今詩派且無論守君一語吾自

成其吾集中詩有云紛紛競摹仿李杜與韓蘇惟吾寡依傍我自成其吾此君謙抑之辭而余竊喜其與鄙

旨相合君游幕二十餘載晚至陝甘倦游歸家著誰園詩話

採拙作頗多。兩人往還唱和無異。襄時真可謂白頭如新者矣。丁未君年六十。以自序辭祝駢體極工。一時傳誦未幾。病劇。易簀前三日。以沒脚蟹圖索題。并限五言排律八韻。余走筆。面呈榻前。以慰之。曰。郭索何須羨。安居水草邊。無腸亦益壽。沒脚最延年。白八真疣贅。白八月陶菽清異錄黃中好結連。長卿文滿腹。李氏畫齊肩。宣和畫譜有李稻向由拳熟螯仍擁劍。便還宜瀕海。放未許到秦懸。在蟹元悠爾。憑人笑。瑰然如陵。同女丑。讀雅補新箋。及君卒。余以詩哭之。曰。弱冠論交四十年。那堪一別隔重泉。篋中排集昌詩好。膝下談經教子賢。花甲已週差可慰。柳開同病合相憐。君

予六月十三夜天名柳仲塗相訪劇談古今并示古文奇  
字予歸家檢宋史及河東某知仲塗亦以疽發而卒心常  
憂其不祥也距無多執友情何限話到雙鬢淚潸然君  
易簀纒八日耳

有五丈夫子長敬禮字與伯詩文竝工世其家學歲貢生

未仕卒次敬畏字寅仲幼慧早夭工於篆刻次敬時字莊

叔次敬修字可堂並國子生幼大任字抑隅州學生惜亦

早夭

海鹽張芷齋載華螺浮給諫曾孫內弟許西鵬奎外父也

著有詞林紀事初白詩評二書乾隆乙巳以涉園冊索題  
冊自漁洋以下名人題詠甚多余題七古一首嘉慶戊午  
至鹽芷齋已卒訪哲嗣鴈舫鶴微於涉園有詩云南郭來

觀

尋勝東風霽色妍。乍增傷逝感。十年前並齋偏結看花緣。  
樹石都成趣。詩文盡可傳。園林隨處有。難得主人賢。嘗招  
同陳德星孝廉黃晉康上舍暨子姪輩午集余即席口占  
云家庖精潔酒甘醇。吸茗深譚洽主賓。雅集還同玉山顛。  
多才更比穎川荀。吳書拱壁誠堪寶。提日出宋佳札遺珠  
益可珍。又觀竹垞初白采黃鏤纜過候名園吟賞一時新。  
小峴先生詩所云我亦神遊到鷗舫。吳書佳札恣人看者  
是也。壬戌新正鷗舫六十余以詩寄壽有云詩酒高名天  
下士園林清福地。行仙鄞鄉傳為佳句。丙寅八月接書未  
及月餘忽聞訃音為之驚悼不已。

莫予同字相如大興人後家海鹽以孝廉分發山左卒於定陶予之發字繼周貧不能扶襯素服終身孫如德發願往尋已隔四十九年土人無知者有老叟尚記其瘞義塚約畧可指掘地見前和題宛然道旁為之感動山左人皆呼莫孝子助貲得歸嘉慶丁巳事也次年余掌教海鹽聞其事贈以詩云子收父骨古所有孫訪祖棺古所無異哉莫生真孝子孝父孝祖心何殊武原貢士莫相如之官定陶三日餘便嬰暴疾捐館舍旅瘞不與家人俱其子終身持練服其孫發願尋長途四十九年踪跡杳可憐曠野蒼烟蕪當時目擊有老叟如言畚鍤窮黃壚果見前和痛欲



絕旁觀下淚襟霑濡。吁嗟乎法宗刺血常耿耿。伯孫泣硯  
徒區區。孰若孝子孝孫合為一。媲美蕭師虞傳良非誣。安  
得為倩龍眠筆。寫作山左扶觀圖。因來肄業書院文。亦可  
觀余極賞之。縣府試竝前列己未入郡庠。秦小峴觀察見  
劉信芳學使稱其孝行。旋即食餼同儕。有排擠之者。以新  
生不果舉拔萃科當事咸惋惜焉。莫生字价藩此外尚有  
董形均叔改名朱瑞樓雲仲彭方頤文延彭世詒原明楊  
琛鍾麟張賜采顯侯何同治與人蕭繩祖昌基鄭伯燠貽  
孫沈紹光補堂鄭象坤同祖竝工詩文鹽邑書院中知名  
之士也

彭羨門先生試博學宏儒第一相傳其寄內詩云

玉皇昨夜親裁

詔夫婿承

恩第一人論者謂彭王齊名此事則漁洋稍遜也茂才方  
頤以先生家書三通見示因詳錄之云羽傳回曾附平安  
一帙矣我已于昨日考過璿璣玉衡賦有序用四六體省  
耕五言排律二十韻止兩題耳但坐于烈日之下筆枯墨  
涸寫字甚難雖不出醜亦不甚得意惟聽之時命耳  
朝廷已于今朝往鄭州不知何日有信若僥倖得取家中  
切宜鎮靜不可收一人管一事并整飭門庭房宇只照常

自老休楊  
自西先生雁  
建  
只老注

淡淡過去。如無此一番可也。切囑切囑。報人亦不可重稿。  
并做戲。恐內人與三兒最要體面。最好熱鬧。把持不定。全  
仗吾姪一力為之。然亦是姑妄言之也。大約發落後便往  
中州由汴入汝。七月內必到家矣。客久切欲南還。反以羈  
宦為苦。此乃由喪之言。非是客語也。自老竟升貴撫。舉朝  
為之不平。可見派立必受人排耳。內人嗽疾。想已不發。三  
兒今年可著實讀書。若今年再不勇猛精進。終身全無進  
日矣。要緊要緊。諸尊長親友各各致聲。不及遍字。許晤期  
亦未甚遠耳。寓庸姪四官三兒全之。三月初二日。羨門。又  
云十八日。一急信。從報上送回。計浴佛日可以達矣。我試

卷幸居第一。于十七日進

呈後因

殿試匆匆廿四五

日

朝廷又至沙河故

上傳未下。然上上卷內皆經

睿覽。內有詩不工切。及走韻者。悉俱翻落。幸我巍然不動。仍是第一。居然有壓倒一時之概。亦是僥倖。蓋初一日試時。殿廷森嚴。

天威咫尺。出題又已向午。風日燥烈。困頓難堪。只得信筆直書。甚不愜意。算來平日本領此日。只得十分內三分。已拚不取。即倖取亦未必在前。不料叨忝至此。大抵試日題

目既難。光陰又促。衆人皆不得展抒。非我一人獨難也。至  
進呈之卷。乃為寶坻老師所賞。先定上上卷。後將七卷。  
同比第一。他卷皆有累句及走韻。而我詩全篇穩秀。得遂  
居其上。掌院亦與有力焉。真可謂天人輻湊。今日已有  
上傳。頃李湘北在閣中。先已遣人來報過。明日欲往見三  
中堂及吳老師。但苦門包又要費十數金耳。然此番之試。  
並不鑽求。一人費去一錢。而白白得此虛名。亦算大幸。可  
見天下事。真正有數。不須妄求也。但

上傳雖未見。而聞得欲留我等在此纂脩明史。應加職銜。  
著吏部議奏。大約是確脩史非旦夕之事。極快也。得兩年。

歸期謬誤如之奈何。若部議得有詞林一席。三兒完姻後。家眷必進當來。且做一處澹泊過日。如空加虛銜而無寔授。則家眷不便來矣。以下又云酒米小菜調和等物。每年必須寄糧船上也。明年大概必要來。來則須于黃家營起旱。于三月到此。庶得次第。恐同內人行。則水路或與三兒同一驟。轎來。我于庚戌丙辰兩年。曾寄兩驟。轎于營中。楊新水家可取用也。臨威前欲入朝都。何以不果。今須乘新秋一來。寓所雖貧。且自相依。以觀機會。恨不肯早來。失此騰錄一番機會耳。自老一列黔中。便開事例。吾姪之得官。在此一着。故不可不急考職也。十七史及一應書籍。急

欲寄來。凡有用之書。皆須寄到。不可太少。省得明年又要帶。搃是一般也。諸事乞與遠兄章甫細商之。數千里外。不能懸度。瑄兄老姪諸甥及叔姪弟兄。切切一致。十五日已寄一字于曾使。因其從水路。當至八月始達。故從凝止報上。又有此寄。草草不能詳也。昭威寓庸二姪全覽。六月十七日。羨門字觀。此家書三通。可想見前輩風度矣。茂才羨門先生五世從孫姪茂才世誥其尊甫熙臺茂才方昂好收拾先世遺墨。嘗得四世從祖節愍公江西圍城家書。裝潢成冊。索題余用龍湫山人舊韻題七言律詩一首。楊忠愍公與鄭端簡公手札十七行題詠甚多。余有詩四首錄

其二云海上高風大笠生。兩賢妙蹟一時并。當該小吏偏。  
僥倖紙尾公然附。姓名端簡記云癸丑三月五日應天府。  
大笠生記觀井圖成懿訓同。榮陽奕葉守家風。到今乃玉。  
仍無恙。會見祥光燭太空。  
冊藏鄭氏二百餘年乾隆壬寅  
跡于吳槎客甲寅仍還鄭氏



耄餘詩話卷之六

林秋佳太夫子先了閩府君受業師也諱玉藻字玉田世居邑東鳳凰橋初姓徐後復姓林工尺牘得從父寶名先生之傳太夫子館余家復館安國寺巷陳氏最後館文勤師相家最久幾三十年嘗製百花枕自題一詩多屬和者諸襄七錦和曰花茵藩溷疊相仍誰為天工惜落英藉草黃茅兼白葦擁衾竹簟與桃笙獨矜好事翻圓木收拾餘香伴短檠焉得神遊翔帝所提携百末到通明雍正壬子子太夫子舉於鄉乾隆壬申以年老

賜國子監學正銜戊寅南歸襄七送行詩云不負初心大

布衣。藥籠檢點是當歸。杖朝七十年逾四。鼓篋生徒奮欲  
飛。蚊胃蛛絲翻撲撲。馬爭棧豆戀微微。高懷詠史誰知已。  
謝尚袁宏有舊磯。快意還鄉馬少游。嶺雲絮帽雪碧頭。一  
春自愛眠花塢。百文休牽上瀨舟。殘月多情相伴曉。寒蟬  
已老不鳴秋。瓊瑤桃李紛無數。永好寧須論報投。歸三年  
而卒。

甲戌南還。座主陳文勤公寄家書并足衣一雙各納朱提  
百兩。余命至揚手交世。尤瞻範克絕。其清況可想見也。戊  
寅公靈輓歸宦橐蕭然。惟書檯七十二號。余與查君蒼林  
祖香檢收貯於大樓五楹。內有宋刻極精如舊唐書通鑑。

總類者不可勝紀。公孫敬承顯曾歿後二書為劉令雁題所得矣。散失殆盡之餘僅留

賜帖一部。曾許五百金而不售。近聞匪人慙忠貶價歸富室。因以獻媚且頗分肥也。謦林時館公家後以拔貢官教諭年七十餘乞歸。嘉慶癸亥過西門邸第有詩云。平泉草木猶無恙。欲問藏書已杳然。觀者為之嘆息。

座主歐陽公號竹垞。湖南衡山人。乾隆辛酉解元。乙丑翰林。庚午浙江副典試。尋改御史乞養歸卒。丙戌赴粵西過衡山有詩云。夫子家南嶽。山靈出異才。高名書柏府。大節詠蘭陔。目斷雲猶結。心愁霧不開。醉翁門下士。漉涕酌

泉臺公卒後三十年。門人趙泉鹿佑刻竹塗制藝五十首。行世。鹿泉亦以制藝名。其清獻堂稿。屬余評定。

乾隆丁亥。修梧郡志。開局學使行署。與史笠亭郡丞。鳴皋同事。頗相得。笠亭好譚玉溪生詩。每舉姜白巖之說。偶夏夜納涼笠亭。譚碧城三首。媿媿不倦。四座愕眙。不解為何等語也。時已將三更。余酬對亦倦。徐曰。勿譚義山。且聽蛤蚧相與大笑而散。蛤蚧雌雄和鳴。雌曰蛤。雄曰蚧。久近大小。有三聲。五聲。七聲。九聲。十一聲。十三聲之別。是夜所聽。牆內者七聲也。余常有詩示岑溪李孝廉世錦。藤縣陳明經汝璋。云。粵嶠馳驅筆硯荒。俄來此地展纒綳。一燈重理

儒生業。四壁驚看皓月光。漫說虞衡能作志。終憐急就不成章。上官誣謗期無負。莫使閒消片刻香。蒼梧漢郡至今傳。文獻飄零待續編。可有楊孚搜異物。曾無范瑗紀先賢。儲藏家鮮三千卷。采輯時經八十年。願得汗青功速就。敢云康趙遠隨肩。書成而余以奉諱歸里。撰圖說小序已丑刻竣。

詩家汪王竝稱而鈍翁為文所掩論者遂謂遜於漁洋要之伯仲間也。鈍翁山中遊仙四十首後遊仙八首藝圃小遊德六首空山不要閑錢使點得黃金別贈人。玉皇若賜先生號。乞掌瑯嬛未見書。門庭須是常修潔。要候他年帶

宅。升。下。壇。手。寫。朝。元。曲。不。循。人。間。蔡。少。霞。合。取。藥。成。猶。未。  
喫。直。緣。身。戀。太。平。時。平。生。解。笑。拖。腸。鼠。枉。自。飛。騰。不。到。天。  
不。知。道。側。青。牛。叟。何。事。淹。留。愛。著。書。聞。道。茅。君。夜。相。訪。旌。  
幢。小。駐。月。明。中。之。句。其。神。韻。何。減。漁。洋。余。有。女。遊。仙。詩。八。  
首。錄。其。六。云。鈞。天。曾。醉。紫。霞。觴。謫。墮。塵。寰。四。十。霜。如。此。生。  
涯。元。是。夢。夜。深。風。露。桂。枝。香。結。伴。彈。璫。吹。玉。笙。瑤。池。翠。水。  
見。盈。盈。而。今。青。鳥。無。消。息。悵。望。銀。河。萬。里。情。放。眼。同。為。碧。  
落。遊。金。床。玉。几。下。簾。鉤。易。遷。宮。裏。花。無。數。合。讓。瓊。花。第。一。  
流。條。脫。雙。雙。火。泮。巾。黃。鱗。羽。幘。鶴。袍。新。羊。權。張。碩。多。僥。倖。  
也。作。丹。房。紫。府。人。嬰。女。親。傳。道。術。高。遜。階。星。紀。猛。元。朽。儒。

仙。事。業。初。無。二。九。鳳。飛。來。五。色。毛。東。西。羅。帳。繡。金。苔。不。是。  
僊。緣。那。得。來。溪。上。桃。花。千。萬。樹。紅。雲。紅。雨。認。天。台。

自紫陽朱子有豆腐詩後我邑蘇雪溪亦有之初白老人  
四首載敬業堂集中乾隆壬子冬日王西莊寄豆腐詩四  
首索和元唱云一頃山田種有秋淮南食法妙蒸淩磴牀  
碾出膏徐溢缸面澄餘乳更柔任受磨礮初質變仍教潔  
白素風留搯酥滴粉煎其火憑仗晶鹽汁點收石髓凝成  
不羨仙寒燈賣榻曉霜天挑來農舍時論擔送向僧廬亦  
數錢棘匕山腰茅店裏荻標巷尾酒帘邊價低那用金龜  
換啜救高風自可傳筠筐携取備朝餐嗜好酸鹹異俗論

雪。稅。滿。盛。雪。雲。作。片。銀。刀。細。切。玉。無。痕。羌。蔬。堪。配。齋。三。寸。佐。  
醉。聊。傾。酒。一。樽。更。愛。冰。天。稜。角。厲。和。羹。轉。手。變。奇。溫。畧。糝。  
吳。橙。點。蜀。薑。箇。中。風。味。淡。偏。長。穆。家。兄。弟。應。同。品。市。上。屠。  
沽。詎。解。嘗。逆。士。餐。霞。成。勝。趣。貧。居。服。玉。詫。良。方。流。匙。滑。辣。  
清。如。許。遮。莫。齋。期。學。太。常。余。詩。云。食。經。千。古。託。淮。王。見舊唐書  
藝文志萬。畢。同。傳。菽。乳。方。寧。料。腸。饑。充。曼。情。儘。教。齒。落。任。張。  
蒼。持。錢。入。市。筠。籃。滿。切。玉。如。泥。翠。金。香。聞。道。八。童。都。狡。獪。  
至。今。留。味。苾。芻。房。柴。桑。惆。悵。豆。苗。稀。角。果。登。盤。願。未。違。滄。  
泊。待。加。三。椽。飯。精。華。先。試。六。銖。衣。煎時面上凝結者為紫  
豆腐衣入供尤佳  
茄。白。蕓。何。娘。瘦。紅。鯉。青。魴。倍。覺。肥。倘。過。載。醪。祛。所。惑。家。常。



草具話忘機。茅店雞聲樹影濛。榨箱殘月磴床風。宰羊造

口烹庖小。收豕關心汁滓空。義比善救參孔氏。俗呼買豆

讀如掠書。音同丁雅補啟公。又呼更吟。酺煮黎祁句。撫拾

方言一首。中海澁山飯。到處磨配鹽幽菽。豈能過味魚名。

解佳蝦勝香。入晚菘早韭。多羹店誰開。尋茂德。蜜脾欲漬

供髯坡。回思犀合瓊漿美。付與厨孃白雪歌。時里中同作

者十餘人。偶摘數聯於下。寒士飽餐猶選日。齋厨清供首

登盤石。磴淋漓。浮白乳。榨床點滴瀉清泉。俞廷藻笑我為

儒難上席。嫌他是乳却無香。君看白首京華客。擲筆中書

未忍捐。歛中有炕腐許文穆公皓嗜之人稱許問切玉無

老腐詳季君實違擺夜話 吳騫槎客

聲隨素手凝脂有味潤枯腸。周廣業耕厓薦客味同村酒薄。調

羹雅稱野蔬香。許琳際唐鄉味且留佳客供。詩名合向腐儒傳。

徐惟懌孤燈夜磨催成易。小市晨擔喚賣喧。蘇琳也知無

分將軍腹。其奈難忘博士齋。尤愛雪花精潔甚。濟尼曾與

妙安排。比邱尼以腐渣製熏成竺國瞿曇面。市有熏腐盒

作中山醉客顏。紅醬盒者剛以含茶非一致。白能幻黑更

多般。腐乾有海鹽新市濃香不敵星星臭。記挈甕罌市上

還釀腐令臭饑餐合佐雙弓米。癖嗜還呼五葉葎。油沸者

俗稱佳品腐老吏褒評符美德。詩翁吟詠到鄉音。鍾大源大烹每共

承茹菜小宰何妨鹽豉油。鍾大復野店割雲呼外酒。盤殮

綸思

堆玉襟辰衣。熊肥蛙瘦何須辨。蒜友衣朋亦已庶。王叔量又良

又亡友舊刻并附錄之時。供古佛伊蒲饌。不斷貧官苜蓿盤。無窮世味醎酸外。有限交情水乳中。子舍會須謀菽水。

貧家何敢棄糟糠。雞豚社裏成呼吸。杞菊厨頭辨咄嗟。軟

雲潔雪懷三德。三德見虞道園集翠金金盤讓五侯。菜衣養志千

鍾祿。顏巷留賓四座歡。談笑無妨分佛火。烹調時或乞隣

醯。陳萊孝誰園割來雲母流脂滑。點就香酥下筯甘。玉烈錯曾

呼石髓。裴航急欲飲瓊漿。任是藜羹堪竝設。何妨晶飯也

同登。張廷琮前山

蘭泉掌教萬松書院。以柳枝詞命題。課士選刻二冊。意欲

仿鐵崖竹枝詞似未見鈍翁姑蘇楊柳枝詞者其詩亦不  
如遠甚矣案類藁自鈍翁元唱外凡八十八人方外五人  
閨秀八人又補和三人共一百四人內海寧三人查詩繼  
南字二云隋隄春色近如何賈舶空傳水調歌誰似張王城  
外柳東風歲歲客愁多查嗣棟字夏重即名敬業元名詩云聽到鶯聲  
春盡頭綠楊圍處是蘇州吳兒緩控行驄馬吳女停梳繫  
綵舟查鉉字聲山即名潛遠元名詩云蕭郎經歲斷歸音柳陌春光漸  
漸深蚤識飄綿復飛絮悔將蒲帶結同心此集吳縣周靖  
箋注王不山繪圖無一不精覺後來之草草也

余有西湖柳枝詞十首并序云敷文院長課士以柳枝詞

命題作者甚多。余亦偶詠。因思折柳興於樂府。新曲創自  
白公。厥後唐賢殊難悉數。宋初僅推騎省。杭人止記存齋。  
近若堯峯。尤稱極盛矣。茲則竝無本事。惟有雅辭前三首。  
詳體製之源流。後七首。寫湖山之情景。陳言務去。庶幾免  
大拙之訶。古調獨彈。倘得邀清翁之賞。館娃未必勝錢塘。  
記取香山句子香。復道他年誇盛事。閒情先問永豐坊。許  
昌詩律善相輕。劉白宮商肆品評。吟到水蒲風絮句。洛橋  
錯比六橋晴。姑蘇一卷玉遮樵。為有章臺無限嬌。此日披  
圖重點筆。柳塘鷺鷥情。誰描雙峯剪。出萬絢絲。挂滿環湖  
拂地枝。縮住春光莫教去。畫船齊唱壽杯詞。翠浪鶯啼不

露身飛來謝豹。喚遊人。映波橋外。花千萼。李白桃紅一樣。  
新彈指聲中。汁染衣。算將四十九年。非關心。最是西湖柳。  
不獨金城感十圍。年少狂遊日未斜。紫韁青纜繫槎枒。自  
嫌老去渾無力。笑對屏山捉柳花。陶令高風重晉書。宅邊  
有樹愛扶疎。如何宋嫂魚羹後。箸活偏題五柳居。天上長  
懸柳八星。曲頭垂似折枝形。人間過向湖隄種。散作湖中  
九子萍。濯濯臨風絲正柔。含烟帶露亦宜秋。從今樂府翻  
新譜。分付旗亭第一樓。又有十二首用晉折楊柳歌體云  
新歲湖邊柳尚髧。先春已是露青痕。試將一德從頭數。漫  
說葭鶉蘇小門。正月披拂長條過覆隄。竊黃慘綠映玻瓈。一

雙燕子銜泥處。不管嬌鶯自在啼。月縱酒高歌滿眼春。相  
思惜別往來頻。蘇公堤上逢飛絮。爭識垂楊是故人。月新  
綠成陰花事殘。三眠嬾上玉闌干。阿誰折取一枝柳。揮向  
酴醾洞口看。月四艾綠榴紅晝景長。柳洲水滿浴鴛鴦。應憐  
碧樹垂垂瘦。半帶朝烟半夕陽。月五三伏開窓對榻宜。納涼  
湖上去遲遲。羊坊酒庫今何在。古柳林中小立時。月六千絲  
萬結對高樓。銀漢迢迢渡女牛。柳是人間長命草。能消天  
上別離愁。月七鷺嶺天香月下飄。霏微珠露滴深宵。此時楊  
柳新搖落。有約吟秋米市橋。月八不少登高作賦才。紅舡解  
纜獨徘徊。鯉魚風起黃花晚。五柳門前送酒來。月九霜輕日

暖正初冬。婀娜風流翠轉濃。恰則小春時候好。幾行疎柳倚孤松。月十灞橋風雪冷交侵。脆葉柔條力不任。却羨仙童一九藥。護根長保歲寒心。月十一檢點韶華又一年。柳邊梅發故依然。東風徐覺陽和動。莫折枯枝挂錦韉。月十二余興到揮毫未免浪費筆墨。倘做靜志居詩話竹枝之例各韻所聞恐絕少佳篇。惟浮以太白而已。

余自粵峯携小草歸。葉密而枝圓。擊之輒斂縮。土人呼怕老婆草。因其名不雅。剛易為畏婦。載入州志。好手多圖繪之。歛方蒸砂。塘海鹽陸忍菴。以謙陳學川。寬董均叔。栢袁陶軒。鈞仁和。余松屏。天觀邵懷粹。志純。同里陳誰園。菜



孝 吳槎客 馮汪小海 淮陳仲魚 鱣張芝岡 勇冠朱漢階 有  
倬楊書巢 秉初題詩竝工許雪林 士元題詞一闕調寄賀  
新涼亦工雪林 携圖至杭 錢嶼沙先生見之題鬱林石三  
大字於冊首 知余無粵中喪也 邑人章茂含字魯得工書  
法亦題四畏珍草圖詠六字于前里中有楊叟者題三絕  
句第三首云葉斂枝垂畏痛真痛生何處畏何人只宜懺  
悔香嚴地自有男兒不畏身其夫人耕雲女史陳登峯見  
詩而志題四絕句第一首云人間恨事最難平 吳草無端  
負此名試問阿誰同病者不妨相對訴衷情 伉儷之間因  
此幾致反目余作二絕句解之云相敬如賓老更恭時時

說李似無庸。草名於爾。干何事。賦得愁心爾。許濃。桂海移  
來過地生。黃花綠葉態盈盈。莫教種近南天燭。恐惹中心  
愈不平。宋袁贊堯脩閑評云庭遂和好如初亦佳話也。前種南天燭令婦人妬

耄餘詩話卷之七

恭題

御畫壁藍卽次

御製元韻云壁藍譜入群芳中九事園葵弟山薤養成木  
本挺礫柯霜雪交侵常不壞味甘差可佐稼穡性澹未須  
埒薑桂一經

御筆賜描摹窮檐風物競生態安得山左過地生劖取充  
饑萬民賴蚩蚩肉食厭肥膿此品未嘗何足怪蔬族也北地有之近  
代入群芳譜中此歸愚先生詩也案壁藍菜名形似芥土人呼大  
頭菜同年孔肩吾觀察疏文在寧時每餉歎兒菜余有詩

云一簞瓢兒菜。金陵號土宜。民當無此色。味却有須知。爛  
煮香羹釜。新嘗滑飯匙。虎臣曾有句。蔬譜合相推。

陳廣文無軒焯。乾隆乙巳署我州學正。以湘管聯吟寓賞  
初編見贈。君虛懷若谷。作詩必屬余。改定唱和頗多。余檢  
得劉龍洲鹽官權學詩。君欣然追和。君贈慈谿馮次牧讀  
書床銘拓本。余作後讀書床銘。又為撰募建素心閣疏。丁  
未任金華。寄小冰壺洞天詩。卷索題余。漫成四首錄其二。  
云草根搜斷碣。上有飛白書。唐卿三百點。相較竟何如。寒  
夜擊鉢吟。愛客陳驚坐。細啜襪兒花。此問應著我。嘉慶庚  
申攜歸雲墨質。手卷過齋。余口占題二首。云太白山人擅。

逸才。一時投贈盡瓊瑰。客從清遠吳興地。携得歸雲墨墨寶。

來。

卷中為孫太初詩及同時贈太初後人題歸雲庵詩也。

流寓曾聞高士湖。南屏鶴

券又輸租。浙西到處傳名勝。安得倪黃為寫圖。君歷署十

九任。甲子實授鎮海戍。辰苑官歸以歸湖圖索題。余疊君

自題元韻題詩四首。其末首云。洛社香山願未休。况逢如

滿預名流。

僧道恒携圖卷來。

不知何日重相見。行脚爭先學趙州。

二十餘年之交情畧見於此矣。

山陰同年陳騎尉。聖傳殉節臺灣嗣子。默齋廣寧以難陰

官海防營守備。著有壽雪山房詩集。余贈詩二首。有漢室

期門多貴胄。唐時節帥屬詩人。一時風雅追俞戚。千古勳

庸薄李程之句。又題其詩集云五集編成重錦囊。

曾見舊作五集

新詩又喜見琳琅。雅歌最愛才華妙。不數當年郭定襄。君以此詩同雲臺。阮公菊溪百公信。芳劉公李許齋。明府梁山舟太史詩刻石。君尤愛余海潮歌。刻入集中。後海潮歌又手錄之。君自嘉慶戊午來任甲子遷官赴閩。同人餞別陳園分韻賦詩。君在閩余寄音學三書。有書復謝君與晴巖為僚壻。今晴巖入詞林。而君需次總鎮。皆副余平日之期許也。

張荔園跋畫山水小景得元人筆意設色作花鳥有生動之趣嘗為余寫竹梧消暑圖門人沈懷方國器汪體仁百

齡楊廷俞堯臣許名夏錫楊醇一秉初陳學初傳經湯葆

初步瀛錢廣伯馥竝有題詩嘉慶甲子秋來杭送試余題  
其連城詩草云梧州教授文苑傑官舍養親白華潔秩滿  
偶歸水雲窩回思已是十年別袖中一卷出新詩含唐咀  
宋推佳絕壓倒君家菊籬吟使向韓蘇得真訣吾衰殊愧  
一日長殘錦久還難再覓况復海邦風雅稀入於里耳忘  
工拙此別人生能幾回此詩好手誰相敵為君高歌且擊  
節揮毫題詩罷唾壺裂又為賦李北海丁丁碑歌云荔園手  
贈北海碑為言土人呼丁丁世間豈有追魂理俗語不實  
流丹青歐陽集古無此說但云君謨稱最精趙明誠錄著

為二邑書自在開封城八分體有韓擇木年同月異難合

并

趙錄云李行書碑三月韓八分碑七月並開元五韓碑年趙燭石墨鵠華誤合為一分碑七月並開元五韓碑

今在金鄉縣款國子監太學生見顧亭林金石錄其謬可糾良

不一大者莫如名慧明亭林云葉有道先生慧明與趙錄

呈考道興子慧明則慧明為法善父而慧明之先稱有道

有道先生法善曾祖國重也趙顧並誤班班世系毋庸爭曾孫景龍觀道士乃即法善鴻臚卿王

氏與地紀勝出碑目始標追魂名天師譎幻工攝召荒雞

大叫方五更紅日將上魂欲去丁字連點筆不停此事相

傳何怪誕姑妄言之姑妄聽兩人竝載新舊史文苑方技

馳英聲望重無過李北海越國公亦多光榮嘗讀少陵八



哀句。碑版照耀長留銘。又聞借遊月宮裏。紫雲一曲通仙  
靈。宜其附會有如此。足見寰宇咸心傾。孰料開元變天寶。  
漁陽鼙鼓華清驚。花朝空憶寧王笛。雨夜徒悲蜀道鈴。肉  
髮鱗臆久猷瑞。盛衰轉眼如初醒。是一是二何須辨。傳疑  
傳信殊香真。石鐫久佚摹木本。妙蹟尚在垂千齡。謝君奚  
啻百朋錫。補金石考增圖經。

前輩查編修。星南祥張學錄去疑思。問齊名編脩詩平滄。  
學初白翁有雲在。詩鈔學錄詩雕琢。好用僻典有雪煩。詩  
鈔雪煩有才子。三長編脩存中為儀。次明經曾芝為儒。次  
孝廉日俞為修。三人中以明經為最學問淵雅。詩文竝工。

著蟲獲軒筆記於經史多所發明年四十餘卒臨終詩四  
首一時傳誦余但記第一首云緇囊縹帙亂縱橫鹵莽無  
成嘆此生垂死欲陳來世願一燈重理讀書聲良可悲也  
孝廉娶於許亡室從姊也通詩書嫻禮法孝廉早卒撫四  
子成立節孝奉 旌少子 頌可字瓊友歲貢成均諸孫多  
遊黌序人咸謂苦節之報云同時有陳上舍 沅字湛斯號  
澄齋學錄弟太倉州守浩亭思園 壻也著有稻齋正續詩  
集小波詞鈔君為丙齋司寇曾孫性嗜藏書輕財好客文  
士多樂親之年五十餘家計中落病酒而卒子文振字天  
中庶吉士贈如其官

股堰廟在蕭山縣西十里西興鎮大興朱文正公碑畧云  
西興鎮有塘曰股堰相傳元至正間江湖溢析官督分工  
築坊有里正楊伯遠者分直西堰其下潭深水怪所窟築  
輒圮伯遠破產被焚楚不可活其妻王哀之夜泣禱於江  
誓以身殉割臂肉投潭中飼怪物曰願憐而他徙越夕潭  
沙漲堰竟成越人為立廟報其烈越五百年謠為龍圖廟  
幾不知有楊王氏矣乾隆六十年江水南坍鬻堰鎮人呈  
其事於縣達之大府聿新其廟是秋潮不為患嘉慶元年  
撫臣吉慶疏聞

賜額曰精誠屹衛

賜封號曰烈彰恬顯蕭之人將書其事於碑而屬珪為之  
文土人以啟徵詩余為賦七古一首時遠編輯閣中陳恭  
甫太史壽祺所叔海塘通志稿此廟未載因補載之

楊文璞端題余潮說云文章千古話群班鄭仲漁與黃燠

王伯仲間繡梓即時煩季重吳槎容先生雅此書復絕

五為厚伯瑶鐫當世遇君山吳稷堂先生新采誰憐猶魄歸空

腹共笑鈔昏付厚願寄語嗽名庸妄容冰油紙破未須刪

近有人輯海潮說者議論無多而最為海潮說三篇余七

陋劣此亭林之所謂鑄銅也偶附及之

十四歲時所作論創而確頗自信其可傳也吳槎容為陳  
雪樵廣寧陳月瑋增竝有題辭

詩之雜體韻之出入對之參差唐宋多有之後米字鑿彌甚有費經虞者詩人此度密之于於進退格外又增轉轆韻格雙出雙入葫蘆韻格先二後四此格之支離也又解牙成對云就句鉤鎖如犬牙相錯而成謂上句意而下句申明之如呼問答引歲時傷道路親友在西東風磴吹陰雪雲門吼瀑泉為例又解閣子對云或出一對二或出二對一謂之閣子對引厨人具雞黍稚子摘楊梅不能師孔墨何事問長沮鄉思不堪悲橘柚旅游誰肯重王孫為例此對之命名可笑也論詩如此亦可謂詩道之魔矣

巖門有古鹽官曲絕句百首余有海昌勝覽二十卷絕句

二百四十首意欲備一州故實其注極詳披羅甚廣吳槎  
客寫有蠡塘漁乃絕句百首陳河莊鱣有新阪土風絕句  
百首張含章愈有海昌竹枝詞百首敝廬向頗曰著書齋  
歸愚宗伯嘗寄題七古前見河莊新阪土風詩云北城粉堞  
對橫街聚秀橋邊景更佳却被草堂添畫稿好風吹滿著  
書齋自注聚秀橋在必家灣松靄先生著書齋在其西

余從太平廣彙中抄得張表臣珊瑚鉤詩話三卷表臣通  
判常州北宋末人庚溪詩話二卷題西郊野叟述孝宗時  
人四六談塵一卷題靈石山藥寮亦南宋初人余最愛庚  
溪詩話所載無名氏題壁三絕句太乙峯前是我家滿林

書籍足生涯。春城戀酒不歸去。老却碧桃無限花。臨安江

南三月已聞蟬。麥。菽。梅。黃。繭。作。綿。料。得。故。園。烟。雨。裏。輕。寒。

猶作勒花天。建州崇安分水驛騎馬出門三月暮。楊花無奈雪漫

天。客情最苦夜難度。宿處先尋無杜鵑。鎮江丹陽

同年繼君山鵬號息園陝西鄜州人官粵西容縣今相傳

唐楊貴妃為縣之辛墟里人故宅尚存有楊妃井及救臺

君修志時疑是五代南漢宮嬪有楊姓者後人因而附會

將辨刪之一日路經辛墟歸夜夢女子明豔朗誦一絕句

云使君且看妾容顏。妾是當年楊玉環。千古馬嵬留怨恨。

魂猶戀此莫輕刪。覺而爽然遂據舊志詳載不敢刪也息

園工制藝。慈祥愛民。戊子分校秋闈。返署至陽朔。遇江水暴漲。溺水而卒。容民莫不流涕。

象山同年姜炳章字石貞。號白巖。館于郡城。盡讀范氏天一閣藏書。所學極博。詩文典贍。先師裘文達公。錢文敏公。並愛重之。後官四川石泉令。以循吏稱。子埴。乙酉選拔。象山聞白巖之風而起。莫不祗行讀書。錢茂才沃臣字心溪。其最著也。嘉慶乙丑容州署。因受業于余。所著蓬島樵歌二卷。紀其土風。余為之序。復題詩四首。錄其二云。三絕才名擅弱齋。生花綵筆過留題。攜來一卷樵歌好。滿紙香濃紅木樨。五十餘年感舊深。韓門籍湜話同心。謂姜白巖同年因之。



口號闕存沒。不得堯章共賞音。心溪詩文之外尤工書畫  
余戲易青藤山人語為畫一字二詩三文四贈之

耄餘詩話卷之八

嘉慶己未二月十四日洪稚存太史亮吉來寧觀湖鴈汪  
生嘉穀先道意必欲過訪是夜潮罷已三更矣遂不果來  
六七年後陳生月墀見太史於揚州猶以不及訪余為憾  
事余亦仰慕高風付諸神交而已戊辰冬送月墀之暨陽  
兼懷稚存先生云高才仍未遇遲早定何如久泛香灣後  
重尋道院初相期三月別便寄數行書倘見盤洲史傳言  
問起居近聞太史下世為之愴然

乙丑仲冬月陳桂堂太守廷慶過訪以所著詩饒一冊及  
墨刻三種見投復集蘭亭字書聯為贈執後進之禮辭甚

謙抑。余以音學三書報之。桂堂慷慨結客，尤好調恤貧交，以故人多稱之。

陳文鐵崖

淦

戊辰詞林著有賦彙題解，遷居未邵，命令子

高翼

慈

從學於余。鍾雨軒式穀鐵崖東床芬齋閣學蘭枝

仲子也。乾隆癸巳甲午間，禾中結一會課，寄余評閱。雨軒

制藝功候最深，時論推為必售。顧終老不過遠近惜之。雨

軒兄耐園

式金

工吟詩，亦困場屋，沉淪下僚，終萍鄉尉。有

才子箬溪

大源

少嬰痼疾，遂肆力於詩，所學大就，極為雲

臺中丞賞識。箬溪弟甫堂茂才

大復

從弟吾山孝廉，大進

皆能詩文。余題高翼天香書屋圖云：君家仙桂五枝芳，好

恆五對切磨也

又音龜指也

前漢禮樂志  
一一即即注  
一一常煩即即  
充實字典

比桐陰話舊長。想見小山叢綠處。磴磴即即貯天香。耐園

官華鄉時。余有三絕句寄懷云。別來久示維摩疾。懶寄西

江一紙書。吟詠不教曹粉廢。想君風雅有誰如。十年前記

到萍鄉。艇子爬沙野渡傍。此日楊岐山下路。循聲應早過

瀟湘。弟兄遠宦各天涯。挾冊披吟獨住家。君弟時風仕闕  
蕭侯任晉雅穎

合應秋更憶吳興詞賦客。張生覆雲  
君內弟也秋來同折卻詵花。若

溪茗花杏花賦。得天寒有鶴守梅花。限四支七言  
非律十二韻潘西湖

葑草用東坡次。趙德麟治潁州西湖成。况懷韻諸詩竝選

刻訪經精舍文集。

表兄楊竹巖煥繪外祖父艾軒公孫母舅恕齋公仲子也

君幼聰慧博涉群書熟精周官禮李延壽史年十六工制  
藝補縣學生才名日起善書法尤嗜吟詠乾隆壬申秋以  
詩卷謁歸愚宗伯宗伯製序以著作之庭期之省試不利  
因賦遠游以故抑鬱不自聊得啜血疾辛巳客如率壬午  
正月歸家卒於丹陽舟中年僅三十有五余與先兄玉井  
梓粵西草一卷未能及其全也錄落集一卷沈宗伯序遺  
藁一卷集外詩一卷  
君性孝友外和而內介里有俗子作惡詩者君待之嚴  
冷以如意帖之而已張集堂先從中州之行君次留別韻  
送之云大都文士離家日常值名場下第時悲哉具言之  
也尚有表兄樹滋嘉禾工書能調汝和能文茲竝及之

七友顏惟瑩自修號輝山秋崖閣學悅履曾孫邑庠知名

士也君詩文竝工而尤精書法初學顏柳繼學鍾王後過

參蘇黃趙董於碑帖無不臨摹一時屏障多乞其書箋對

見貽余以詩謝云學書初學米襄陽筆陣翻新到二王寶

泉虞蘇若評論也應家法溯黃岡君曾祖閣學工書故臨

撫祖刻貴多師瀝向吳箋洗媚姿顏使寒齋添二妙通翁

大字仲先詩對書草堂集有名開富君字性敏捷日可作

三四千余詩文藁及爾雅廣疏三十卷皆君為余手抄嘗

出游江右記其滕王閣詩云南浦西山圖畫裏春鷓秋蟀

往來中何減羨門依然極浦生秋水終古寒潮帶夕陽一

聯也惜年未六十貧困而終

巖門文每稱其族兄如周義之詩嘗見其頻削草一卷與

萬柘坡光泰唱和最多有山塘賣花詞送同藥師弟作云

亞字欄杆曲徑幽蕭蕭門巷近芳洲磨絲飄過東風雨催

掃山前花信樓縹緲寬窄量花栽養葉培根次第開只與

吳閩添小景頻煩白傅築隄米北勝南強照眼明群芳譜

後盡知名新來乞得波斯種暮紫朝紅畫不成虎邱山下

碧瑤流虎邱寺裡遊人稠年年貪看花枝好不信裡花人

白頭。

我邑四鎮郭溪最小前明雅嘉靖時中一楊明綬論者謂

二蘇預景泰十才子之列。盡泄地靈也。三十年前。闔鎮秀才。不過五人。且從無食餼者。乾隆癸卯。郭溪以會卷寄余。評閱見蘇崑圃。琳制藝固佳。詩字尤工。許題賦得兩岸。越山多得江字。余亟賞之。謂郭溪風氣開矣。會卷例以成語編甲乙。余即用雪溪詩句。蓋期望之殷也。崑圃銜知己之感。執弟子禮甚恭。已酉。選拔嘉慶己未。成進士官員外郎。惜不永年而歿。自崑圃後。登賢書者相繼矣。鎮人徐生蓉泉。潘早歲遊庠。肄業安瀾書院。詩賦秀麗絕倫。余每嘆為仙才。客來言其天卒。己巳九月廿二日。年二十有六。無子女。不勝痛悼。倘天假之年。何遽出雪溪雲壑下耶。



五六十年前破川詩學極盛有許太史慕迂醇為之提唱  
太史宗伯之孫太常之子早入詞林急流勇退家有道古  
樓藏書教萬卷丹黃評閱至老不倦著述甚多遠近推為  
博洽所選有歷朝詩文四六惟載道編六十卷刊行則所  
選古文也太史長子早世暮年得子不能讀父書女適桐  
鄉汪仲汾外孫殿元如洋其道古堂詩文集盡歸外孫未  
及刻而如洋卒今不知所在矣太史詩友吳嗣廣字芭君  
號樵石及初白之門寓公姚江陳梓字脩恭號古銘詩文  
書法高超絕倫從弟勉燉字觀文號思晦一號晚榆制藝  
亞于宗伯詩字並工余姑聲也後輩有陳遇克字率如號

秋坪制藝試輒冠軍詩亦雅潔有古梅軒詩鈔四卷映榆  
雍正丙午孝廉官至知州秋坪乾隆壬申進士未仕卒慕  
迂為初白孫聲其居第即周氏之青蘿池也今與葺書並  
歸他姓宗伯生祠在雷山麓近亦荒廢矣乾隆乙酉太史  
曾為余序著書自序彙鈔文辭書法並妙尚寶箴之太史  
之歸道山已三十餘年風流歇寂詞人絕響不禁感慨  
東城玉橋楊氏門才極盛無不能詩外叔祖晚雷瘦仙兩  
公其最著也晚雷公詩學蘇查初白極稱之瘦仙公詩書  
畫世推三絕丁丑修志余撰傳入文苑中晚雷公子舅氏  
式玉字元白制藝詩字兼工式金字亞夫長於詩畫式道

字叔行竝為名諸生而數竒不遇叔行舅氏子表弟芬字  
九滋號畹耕亦能文工書法惜其早卒余有輓雁隅中丞  
即用其臨終絕句韻三首云司馬家聲重陽鐘上房出後  
更名終高門令望寰區滿政事文章兩不空喚醒人間夜  
半鐘誰能有始竟無終功名已到凌烟閣猶道回頭總是  
空君賦采芹樂鼓鐘戎歌革鹿聽三終追思四十年前事  
悟得殊途一樣空疊前韻輓九滋茂才二首云一鄉稱善  
警晨鐘半載闕歸賦今終書法兼工兩文敏而今妙蹟已  
成空經行東郭怯聞鐘儘可延齡乃告終留得楹書須努  
力他年阡表莫教空

高江村集烏巖同穴今濶窩圖

四十九蒙古部落之哨口也

多有之人

以水灌其穴則出即爾雅所謂餘戲也句云寒暑年年共

烟霜夜夜啼

烏獨於夜啼聲細可聽

應防晉陽灌定破爾沈迷又跣

免前足纔寸許後足幾一尺行則用後足跳一躍數尺止

則蹶然仆地生於大漠即爾雅所謂蠻兔也句云休云三

窟狡狂躍一何愚地陋產真劣聞新載豈誣此二詩可補

爾雅注疏

今詩家所云梅村體即初唐四子體也其音節出於西洲

曲余向疑梅村用韻太雜既北十家詩話中亦詆之近細

考所用悉本吳才老通轉之法迺知前輩未可輕議

張廷琮廣賦微  
錄宋湯漢字伯  
紀号東澗安仁  
人二部尚書端  
明殿學士諡文  
清

湯文清公事實詳見宋史儒林傳靖節詩注四卷惟馮氏  
通攷經籍門著於錄是書乃世間所希有宋刻之最精者  
也流傳日久紙墨敝渝偶從友人處得之不勝狂喜手自  
補綴亟命工重加裝訂分為兩冊完好如新余家舊藏有  
東澗選本妙絕古今此更出其上矣乾隆辛丑長至後三  
日內樂村農書 卷尾有董宜陽印宜陽字子元自號紫  
岡山樵華亭人上海諸生工詩文善書法與何良俊徐獻  
忠張之象才名相亞有四賢之目 卷末有項禹揆印禹  
揆字子毗秀水學生明季遇難當與子京雁行見明詩綜  
述酒詩為晉恭帝而作其說略本韓子蒼而萃勝諸梁

黃山谷亦嘗解之非創於東澗也特此注加詳耳零陵王以九月終與詩所云秋草雖未黃融風久已分者正合靖節時當禪代雖同五世相韓之義但不敢直言而借度辭以抒忠憤向非諸公表闕幽微烏能白其未白之志哉

朱子謂荆軻一篇平澹中露出豪放本相須知其豪放從忠義來與述酒同一心事 陶集祭程氏妹文書義熙三年祭從弟敬遠文惟云癸亥自祭文惟云丁卯此與宋書本傳之說相合但指所著文章而言若詩則不然大約晉時書甲子如庚子至丙辰是也入宋不書甲子如九月閑居之類是也自來辨此者都未明晰 鄭康成誠子益恩

書末云若忽忘不識亦已焉哉此命子詩末二句所本也  
陶詩雖平澹而無一字無出處如此 陶公晉書宋書南  
史並有傳一人而三史列傳千古止此一人人豈以爵位  
重耶晉書作泉明南史作深明並避唐諱 東坡愛陶詩  
質而綺癯而腴晚年居海外過和其韻子由為之引稱其  
遂淵明比也至詭菴律陶不足觀矣 此本大字端楷作  
歐陽率更體頗便老眼且校讐亦鮮形天慶鈞之訛裝後  
覆閱數過殊可寶也 嘉慶戊辰囊空需用此書售於茗  
估去我之日殊難為懷

慈谿鄭簡香孝廉勳以母張太安人清芬勁節錄乞題余

詩云義門世澤重江東浮碧山邊瑞氣充七日孤兒成國

士千秋大節仰高風瀧岡表後書推荻留守歸時味憶熊

聞說董楊今跨足

明州鄞縣董見甫田柯氏宋史新編慈谿楊貞女字鄭子璵見州史

名

標彤管頌無窮仁初蔣蔣村司訓以姑母蔣貞女事實

求傳及詩余諾之四五年而未果心闕然也茲記其畧云

貞女父元文幼通書史年十六許字同里高華宗二年病

歿貞女欲匍匐奔喪高氏以立嗣無人固辭貞女以死自

誓因母病忍緩須臾迨母病愈乘間赴水救起感憤成疾

却藥餌不進絕粒五日而卒姪洞為請旌蔣村家西溪

詳見請揭山房詩話



大伯父秋水公諱以澄。又自號方頭子。性恬澹。不慕榮利。中歲即棄舉業。不赴秋闈。惟以讀書為事。嘗鈔節唐語林。秘笈餘冬序錄堯山堂外紀諸書。著有方頭子雜俎四冊。友人郭星如燦為之手鈔。今其書不存。偶記其一則云。順治間。邑有詩僧曰陳和尚。嘗作絕句云。今朝是我娘生日。別起佛前長命燈。自來自炊還自飯。替娘齋得一員僧。又一則云。康熙癸卯。邑人翁嵩中式時。人口號云。和尚做宗師。尼姑來典試。同是廟裏人。中了翁道士。蓋是時學道。胡尚衡主考李儀古翁則黃冠而返。初服者也可發一嘆。唐鄭左丞薰以太子少師致仕。名所居曰隱巖庭。時七松。

自號七松處士謂他日可與五柳先生作對今僅存贈九  
華處士登時詩一首詩序謂疇善禪名理所讀老易淨學  
四書講解甚精淨者淨名經肇者肇論也

毛西河進呈古今通韻表云求論一字苦搜五典三墳。  
閱盡群言始識雙聲疊韻西河之論如此而今人或易視  
之或妄議之何也余嘗有絕句云試讀初晴表應知此事  
難如何庸妄子竟作等閒看。

憶在粵岑時有黎木壬者幼聘蘇氏之女後悔婚成訟余  
斷令完聚擇二月十二日吉日當堂備花紅儷相樂人令  
原媒同木壬迎娶隨親往黎家止用扇蓋助其花燭并給

青蚨三千。舉家拜謝。是日觀者如堵。余口占兩絕句云。却  
扇催妝。黎子雲。眉間喜氣現。氤氳漫言織錦回文好。自愛  
荆釵與布裙。真個牛欄西復西。從今嫁娶不須啼。口吹葱  
葉他年事。祝汝多男舉案齊。迄今數十年。想子又生孫矣。